

五
研
齋
詩
鈔

五硯齋詩鈔卷十七

仁和 沈赤然 韞山

寄愁集

喜雨二首

辛酉

久旱過百日一雨真如膏莫謂牛毛細大勝抱甕勞菜甲
坼燥土枯苗蘇平舉東風晚更急入夜聲蕭騷農夫走相
慶我亦散鬱陶只有積穀兒俯首氣不豪

二

河中一尺水桔槔安所施麥苗枯欲死但冀皇天慈霽霖
三日雨入土不厭遲青青滿畦壠婦子顏爲怡何以蒼天
貺狙詐慎勿爲不見秦蜀民三年廢耘耔

小園桃花盛開戲調一絕

紅桃爛熳白桃繁同倚春風各不言
試問主人誰更好淡粧濃抹總銷魂

三月十一日坐虎豹寺山門外小亭上作

寺外空亭好清遊此最宜四山花躑躅
一逕曳支離不住泉聲細忘歸日影移
怪藤如趁客羣攫走蛟螭

初遊龍井寺試新茗

勝地今方到真如了宿道亭臺都隔石
松竹不遮湖井底神龍伏溪邊二老無
謂坡公辨才唯應試新茗搖碧上鬚鬚

吳母盧太淑人八十壽頌

猗歟聖善篤祐自天里則其孝鄉師其賢
唯意之美乃延

厥年 匪舍朝霞匪飲菊水玉色晚顏五百甲子澄神北
堂受此繁祉 繁祉惟何子孫繩繩祥發長公名位竝稱
謂大司成穀人魚軒象服天寵永膺 鞞鞞蘭玉羅生庭階和氣
翔洽中外輯諧馨爾羞膳以娛老懷 上冬良月悅辰是
值華筵夕張有緝車騎媮星庚庚下照冠帔 迢遙紫海
靈沙難求瀛洲白橘道阻且脩何以爲壽春酒蟻浮 春
酒蟻浮母醕而樂爲歌頌詞代彼竽簫請俟大齊操管更
作

梁大司寇挽詞二首

似海

君恩予告還

裕陵山色隔遙天

公被命護守裕陵三年矣

高帆穩掛三千里顯宦重

歸四十年旋馬甫開新甲第飛鳥忽見墜虞淵

公歸第甫七日而卒

人間大福如公少只欠湖山杖屨緣

拋離手板一星終都在愁中與病中空想榮歸頻上謁豈

知凶問近難通

余僑居隔縣又在病中公歸期歿日月餘始知

里門舊吏惟餘我

田野閒人久負公只有兩行知已淚年年此日灑秋風

潘淑女哀辭

淑女爲余友潘亞江世鼎長女賢而才字同邑錢

公子將結褵前數月病亡亞江痛惜之甚屬二三

老友爲詩哀之遂賦此應命

一夕蓮衣落早蕖廿年珠忽掌中虛才華不讓椒花頌手

迹猶傳紫石書慈父痛揮銘壙翰翰退之有女壙銘仙郎緣斷御
輪車泉臺一事應含笑品藻闈門得令譽

過仲青巖居見菊感賦二絕句

軒檻依然滿眼花老翁西去客誰家定知花亦含惆悵詩
酒何人對露葩

四人老伴兩人存余與陳蘭阜也衣上猶留舊酒痕楚些歌殘問

盆菊可曾招得看花魂

聞吳穀人祭酒終養得請先以詩寄之

新來纔報換頭銜便脫朝衫著綵衫七學生徒供祖帳一
船圖史整歸帆雞豚但足常充膳芝朮寧勞遠負饒何處
板輿周覽好西溪風景隔塵凡

喜晴

卯辰動水氣秋霖如傾河
涸旬未肯止芝菌生庭柯
癡雲黑壓屋釀泥深沒鞞
百事不呈念所憂田中禾
祈霽走官吏斷屠到雞鵝
萍號違限令帝乃加譴
呵檄風翦檐溜驅雲歸山
阿杲杲一輪出天青如揩
磨草木散餘潤巒岫呈烟
螺田水流泱泱稻花香氣
多漁師晾大網蕘童曝長
蓑我亦拭琴硯近局招重
過城市交額慶有若蠲宿
疴昔聞周穆王吹笛止滂
沱又聞段文昌出遊延義
和其說太荒誕弄舌同孺
蠅天人相感應以誠匪由
他自此霽一月場圃積
峩峩登堂獻春酒聽唱豐
年歌

吳江馬雲曹元助從王春江處借觀拙集辱先贈霞

上之作因賦二律奉詔兼訂開春泛舟太湖

仙潭烟水接長橋咫尺相違萬里遙不是耽吟旣梨棗何緣枉作吐瓊瑤高軒定早過韓愈賓席偏遲坐伍喬贏得五湖風月好供君連夕復連朝

猿鶴還應笑我癡歸來不辦買山貲蕭條事業書千卷斷送年華酒一卮何苦鑄金叅賈島欲同翦絹繡鴟夷相期撥棹桃花水縹渺峰頭險韻詩

題章厚菴坤深竹納涼圖

此境尋常有誰知坐臥看輪君圖上樂令我暑中寒月影篩千个風聲韻萬竿韜光舊遊處可買數弓寬

次吳穀人祭酒寒夜過訪之作

百念征營睡較遲擁爐妻妾話移時故人忽款三更戶寒
夜重逢兩歲期穀人已未歲亦於此日見訪紅燭燄殘唯有酒黃梅香
細好論詩畱君不住君姑去一笑無言各自知穀人為卒歲計有吳門之行

正月十四日雨中集同人五硯草堂試新酒次吳語

石韻 壬戌

一晴竟三冬春雨自昨起紛紛里巷間著屐散名紙徒爲
俗禮牽適粲嬾人齒我方漉家釀滓去味清美窗前雨枝
梅點點綻冰蕊折柬招素心雜坐藉無綺相期倒盆盎戒
勿說文史花香偶刺鼻雨聲任聒耳肴少盤易空歡甚蔬
亦旨卻笑掌中鬪誰能費摩揣孫子酒戶小未醉色先靡

吳君整以暇堅守固壁壘獨有主人豪杯不離手裏酒氣
太濘淳拂拂出十指晴雨始聽之上頓此方始

正月六日內子六十初度漫成三首爲壽

鴻案相莊四十年初周甲子在春前心齋已久除葷血家

法從來禁壽筵

余家凡遇初
度杜門謝客

獻歲甕餘長命酒報恩囊溢

飯僧錢慙無一物爲卿設自咏新詩入彩牋

休誇夫壻勝黔婁半世歡娛不抵愁萬里舟蹄隨薄宦廿

年蔬布似精修

內子自乾隆丙午病後
斷葷肉至今已十七年

添香妾不驚獅吼

種橘田羞爲子謀

用李衡妻
習氏事

常羨鹿門偕隱好只今田野

兩優游

中年得子太艱辛記否曾同祀水濱

事見亡男
穎小傳

暇卵難成

悲宿命綵衣爲壽看何人蘆簾相對頽唐老淚眼常過寂
寞春一事語卿差足慰蘂芽傍挺兩枝新

三子頽幼子頽皆妾王氏生

清明後五日展墓武林寓湖上玉蓮菴小樓得十絕

句

桃花落盡柳條長斷送春光一半強我是慣來如燕子年
年此地借空梁

湖水茫茫綠到門門前車馬太紛喧老身卻似雷峰塔相
對頽唐兩不言

數盡來舟與去舟就中誰是解清遊不如我對青山坐收
拾全湖入小樓

綠樹高團草色濃傍人惟有採花蜂頽陽淡盡遊船泊初

聽南山一杵鐘

暮雲歸去兩山昏
魚鑰催人欲閉門
爭似小樓無管束
湖光和月入清尊

東風吹急雨雲生
枕上雙峰看不明
忽聽數聲烟棹過
畫船偏愛雨中行

楂楂乾鵲去仍回
殘醉初醒眼倦開
強起推窗看霽色
南山曉翠隔湖來

蹤迹當年遍六橋
老來吟伴半摧凋
墓門只在林深處
遙酌東風讀大招

訪我朝朝累故人
會時難得見彌親
笑無餘物堪供客
只有樓頭一味春

相違百里往來難銷盡囊金興未闌長揖青山暫歸去駝
裘來向雪中看

馬元勛自吳江來見訪卽留宿湖樓詩以誌喜

握手真如了夙因湖頭正弄十分春聊憑紅友延新雨且
爲青山作主人短榻夜深分被坐小樓月落一燈親明朝
便與君聯詠洗盡門前俗子塵

馬雲曹攜杖頭錢窮腳力遍遊兩山勝處歸示口占
諸作因題其後

兩山幽邃恣搜求到處林泉感舊遊偶作神仙忘採藥每
逢僧寺必登樓衣冠潤惹烟霞氣履襪穿從棘蔓鉤笑問
杖頭錢盡否風光都入錦囊收

齋前紫藤盛開感而有作

半遮窗戶半遮闌，滿架蒙茸最耐看。
翠幄密藏紅玉潤，紫雲深護老龍蟠。
爭開雨後垂偏重，碎落風前掃覺難。
四度徙居三遇此，何年坐席可長安。

食糟螿作

沸鼎真逃矣，糟邱亦樂哉。
請君都入甕，佐我獨持杯。
骨醉雙螿軟，膏紅半殼開。
固知能耐久，咀嚼到黃梅。

雪樵齋頭石菖蒲忽放碎花如雪賦詩索和爲作二絕句

一夜菖蒲綻素花，不知何似子由家。
見坡公集莫教漏洩牢收拾，富貴神仙在此花。

三石齋詩集卷一
拳石玲瓏尺水寬異花天供案頭看便教不管人祥瑞也
勝尋常一見難

范讓水將去新市娛老里門余尚僑寓此間不勝離
索之感賦五律二首

小圃清談地從今罕見過暫違猶悵望久濶更如何語短
書須數情真夢易多篋中詩草在愁絕獨長哦

二

說去偏真去能來可特來雲龍空有願風雨定無猜十日
憐巢幙餘年不夢槐牆根如許共傾盡兩家醅

瑞蓮歌

華萃一蒂生花二七見宋書符瑞志後來此種遍人寰豈

是盡關君德致四蓮合花攢一莖唯聞漢家西園生西園
既鞠爲茂草天收此種還蓬瀛仙溪黃君有花癖栽培沃
灌勞不惜今年遺我雙滿芽云是並蒂紅荷葩指揮種法
僕稟愛荷葉田田覆缸口六莖氣足各含苞一枝先放大
於斗非雙頭亦非重臺四花戢戢交頸開卻如華清張夜
宴玉環招邀三姊聯袂來又如天台二仙女依劉猷阮一
室無嫌猜人間此種久不見只今胡爲乎來哉風晨月夜
散幽馥天遣奇葩娛老禿吾家祥瑞非所希願作蒼生太
平福此本產自黃君家黃君家中無此花明年分根還故
主紛紛並蒂何足數

爲孫華海灝元題惜花早起圖五絕句

朱朱粉粉總關情
風雨愁聽枕上聲
喚起流鶯眠不得
滿園花氣曉來清

春寒惻惻霧濛濛
細數新添幾朵紅
輸與一雙蝴蝶嬾
向人猶對宿花叢

井上猶閒汲水鉞
卻先檢點護花鈴
東風忽地將成雨
愁煞南山不肯青

曲闌干外小亭傍
姹紫誇紅鬪豔粧
似解主人珍惜意
曉來故作十分香

倡條冶葉一枝枝
帶露仙姿映曙曦
大勝水精簾下立
看人調黛畫眉時

題孫舍人傳曾碧山栖霞圖卷子

六盤攘天游嵩少等城市常結青霞想闔闔亦可止幽栖
況得數畝園追風逐月酒在尊雖非別自有天地諷嘯已
無塵俗喧我有烟霞癖久欲營菴傍巖碧苦乏買山貲又
思小築西溪宅只今二者無一成負負清泉與白石辱君
寄圖索我題君家老屋真幽栖亭軒都教隔梅竹階砌不
令生蒿藜奇石一一位置妥何必真有碧山危磴相攀躋
松籤萬卷古香發吟聲往往出竹西其餘短紙寫不盡大
抵四時晴雨皆相宜駕掖才人說孫逖壯年解組甘岑寂
人生得此好家居肯爲一官長執勒君歸栖碧山我歸雜
通闕幸無俗事擾淡定一月常閉二十九日關請藉此詩
作介紹明年訪君松石間不知兩個身誰閒

題冢婦梁三娘子之真二十韻

爾來甫年餘吾兒病疹死可憐膝下看呱呱者誰是吾心
如沸油爾淚若檐水點點復滴滴終歲溼枕被爾家宦北
方迢遙數千里音問尚難通安能見弟姊吾恐傷爾心顧
復等離裏爾亦無瑕尤婉順多可喜方資侍衰年且夕潔
甘旨不意去歲冬病足不可履藥餌既無功祈禱弗獲祉
宛轉牀蓐間呻吟慘聒耳漸腫及心腹諸醫束手視杳然
謝人寰九月日辛巳翻令白髮翁絞衾爲料理呼工貌爾
容面目無一似似與不似等過此誰念爾爾叔尚未婚明
年決了此生子卽嗣兄安計賢與否地下見吾兒煩爲說
向彼

戲題華陽山外山人張成畫鍾馗弄子圖

鍾進士癩無比不捉鬼弄兒子一兒作狡獪翩翩蝙蝠葫蘆起一兒攀右肩意欲奪之目注視乃翁顧之顏色喜人生行樂耳誰能拔劍瞋目長使鬼切齒不見今時官府坐堂皇游光野仲環其傍何曾一一齒劍鋌不如姑作子孫計剖甘分食鎗積囊嗚呼山人圖此意味何深長我更請一抒胸臆有見不肖卽鬼蜮家中之鬼不可殛鍾進士莫姑息

遣懷雜詩二十首

曉來卽起晚來休一任韶華似水流若與冥靈論夭壽百年何必異蜉蝣

滿屋黃標又紫標量來千斛貯胡椒便教生活都如此若
個能纏死後腰

高第尊官亦偶然如花吹墮錦裯邊與君約略論青史顯
者由來幾個傳

修容姘態肉屏風歌舞春宵蠟淚紅粉骨綠珠曾有幾落
花飄絮總西東

前開甲第後名園倏忽荒榛蔽坵垣輸與老農宮一畝索
綯乘屋到兒孫

珍錯猶嫌下筯難老饜直欲膾龍肝依稀記得居貧日齧
盡闌干苜蓿盤

才名到處有逢迎擲簡搖毫作上賓笑問性靈存幾許筆

頭氣已化金銀

衫袍補綴襖裘棉
鍼倩山妻老眼穿
聊以解嘲談往事
牛衣裏尚有人眠

不其羹爛韭菹香
稻粒新炊半寸長
飽後獨行三百步
居然身世在羲皇

老伴彫零少往還
三旬常閉兩旬關
低頭偶憶兒時事
不覺听然獨破顏

長綃大紙滿牀堆
叩戶常同宿負催
我以筆頭爲布施
亦無住相悟如來

一炷香烟一卷經
學除韭蒜學除腥
也知不得波羅蜜
聊作晨鐘喚夢醒

臥名臥利寫生危
淡泊情懷只自知
要向夢中遊
五岳逢人不說買山貲

結習難忘是濁醪
半酣味更勝
醝醢青燈一寸無人共讀
罷南華又楚騷

自評自注自吟哦
故紙堆中歲月過
充棟汗牛成底用得
渠益處不須多

難得相逢是故人
焚枯酌醴不嫌貧
醉來但覺乾坤窄
直把蓬蒿比大椿

霜如鬢髮雪如鬚
照鏡昂藏一丈夫
笑煞世人偏諱老
朝塗澤媚吳姝

呱呱稚女攬深更
惡臥頑兒踏裂衾
我久異房師下士
蒙

頭穩睡到晨明

茫茫天地亦遼廬海上三山葉不如莫笑我同巢
燕但能著腳卽安居

聞吳穀人將移居東園巷率成一律奉寄

買屋何須更買隣東園巷口卜居新百弓水木清華地一
代風騷灑落人門外客車應結轍架中書帙總無塵不知
尚有營巢者葭葦飄搖已四春

予自己未歲鬻居宅至今尚僑寓汪氏之屋

冬至前三日寄淞江張司馬古腴敦仁二首

蓬山頂上最青年誤墮紅塵亦偶然但使大書循吏傳何
須高作玉堂仙西江餘澤通三泖東閣寒梅賦幾篇

古腴由廬

陵令擢淞江司馬

卽日看君驅五馬陽春可到雪谿邊

會記都門劇飲時醉來嬉戲似童兒春風不遣萍長合子

豐潤時古腴謁選人初注秋氣纔逢柳易衰子自庚戌因

里已十絃佩讓人狷座暖林泉無我草堂賞久欲與吳穀

西溪至也知海上奇觀好黃雀鱸魚只夢思祭酒卜築

吳穀人屢期不至詩以代簡

初夏深秋總弛期黃梅又放最繁枝一年海上遊將遍百

畝園中樂可知穀人為吳淞李觀察修華屋待添春燕壘

故人惟賦小山詩欲知別後愁多少白盡紛紛領下髭

居新市已逾十載麤悉土風因牽綴爲詩得二十絕

句雖淳澆不同聊以記其實耳

大門長閑小門行丹漆神堂照眼新書法只推劉古雪畫

家無過沈南蘋

里人劉允明號古雪國初人工書法沈銓字南蘋康熙間人工花鳥至今談書畫者

必推此二君

欲過橋南忽橋北甫從東折又西回涼棚一帶連檐暗愁

煞官人跨馬來

河狹橋多道路繚曲門前皆有涼棚跨街低暗不便騎馬

覺海寺前鬧似雷新從天竺進香來兒童齧餅婦嘗果不

到黃昏不肯回

近鎮村落清明後俱往杭州天竺進香歸必詣覺海寺謂之燒回香男婦喧闐市果

館器具至穀雨始止

魚蝦價賤不論錢羊豕聲喧滿市屢漫道此間無勝地明

因寺裏果山巔

劉王堂外無多地游手生涯聚匪窩試向更闌望燈火茶

坊人比酒坊多

劉王廟前九流雜處宵小群蹤而茶坊最盛自侵曉至三更始息酒肆不若地

青青剝得滿筠籠，曲簿勻攤慢火烘。用盡合門宵旦力，半

供親戚半兒童。

俗至八月無論貧富皆買毛豆剝之，烘令極乾以爲終歲下酒入茶之用。

歎門清話本無求，烟草能供未用憂。頗欲藉茲銷白晝，只

愁焚盡一燈油。

客至輒然油燈，蕪烟草。

八千煙戶市聲諱，百物咸臻俗漸奢。偏我所求空手返，不

知書肆是誰家。

市中無書肆。

餅餌爭奇

甚佳

菱角肥，果山踏月露侵衣。紛紛兒女偷瓜

豆，不管他家抱蔓歸。

中秋踏月皆在果山，婦女往往令小兒女至田間竊瓜豆爲利市。

駢筵豐膳敞華堂，杯面難逢琥珀光。

俗尚白酒味極薄惡，雖盛饌不爲佳也。

底事彭亨嫌腹脹，由來薄酒勝茶湯。

朱桴銅叉雪色絛，指尖撚處斷還連。女兒生澁阿婆熟，

作春衫細賣錢

新市綿紬極佳皆出女工以勻細爲上蠶有疵類者次之大抵少婦所成恆不如媼

媼以年進而手益熟耳

前馬無期已入門頻來豈是爲盤殮不知廉底窺堂上何

似屏間覬後軒

締姻後婿卽登門謁舅姑恬然飲噉月或數至俗謂之猫膾女婿

六疾生出六氣淫何關鬼魅苦相尋豚蹄送處群兒喜不

在林申卽水潯

俗信鬼得疾者必具豚酒禱之林莽水次

婚姻浪說繫紅繩媒妁功勞洵足矜一任吉時將誤了閉

門高臥索金繒

襄修多索婿家酬禮甚者臨期托病不出

聞道工書也解求強將名姓送齋頭試呼磨墨聊伸紙便

是鍾王見亦愁

求書者從無佳紙

一番鬻產三番價分付兒孫莫患窮多謝昔人能作傭居

然風俗說吳中

田屋鬻絕後無論年月遠近輒來請益謂之不敷且有至再至三者妄稱吳中風俗

是如

入屋紛紛盡女僧雛娃也在髮鬢髻哭聲纔止經聲起來

看高燒百錢燈

人死後親串輒送燈油并延女僧往其家誦經或人數不足卽雛娃未薙髮者亦與

焉又設大木檠然油紙燈百錢望之如火樹

正是黃梅細雨天人聲沸攪五更眠披衣出戶看何事小

港爭先買葉舩

各村人來買桑葉者攘臂爭先喊詈之聲殊駭人聽

交際何嘗不落毛肯教弔賀競相高聊緘小石君休啟但

受盤中雪片糕

親知弔賀必用雪片糕或尋常來往則裹小石納函中以代白金知其不受故也

鼓舌搖唇死不休居然執筆似尸頭尋常事本無奇異已

報浴門作曲

謳俗喜偵人小事造爲歌謠

五研齋詩鈔卷十八

仁和 沈亦然 韞山

寄愁集

感逝九首

癸亥

胡天鯨字起崑德清新市鎮人孝廉倬雲先生子也
幼孤從母育於舅氏余年十九應縣試始與訂交起
崑小余一歲以兄事余晨夕聚首相契最深是冬同
赴郡試歸忽患咯血之症未十旬而歿余亦素苦此
疾起崑嘗寓書殷殷以攝衛爲囑不意其自罹此禍
也悲哉

柯歲之交如乳投水菰城歸來一疾不起埋如此人情何

能已金玉爾音寶茲片紙

胡澄字朗亭號石樵仁和廩膳生績學植品老困場屋後以四庫全書館臚錄議敘得甘肅一尉年已五十餘矣僅一子又早亡妻亦繼歿子身之官資斧不給余時令南宮稍爲津潤之聞到官後曾買妾生一女尋歿於任至今尚未歸櫬云

久困名場不挫銳氣捧檄衰年萬里一尉無子無妻煢煢獨貴老死河湟輿櫬歸未

朱應登字捷三號西崖桐鄉縣庠生余同文社友也性極溫厚人多樂與之交中年忽從人遊黔粵楚蜀間其家屢促之不肯歸竟客死粵西

之子醴粹初無瑕尤忽棄破研爲萬里遊死於粵西不正首邱魂兮歸來毋再淹留

田金堂字錫三號玉圃錢塘縣廩膳生亦余同文社友也豪於文酒垂老無所遇家亦日落余辛亥還里相見已龍鍾如六七十老翁纔與一醉遂成永訣
文壇酒地無不與俱別一星終霜髮雪鬚方敦舊好已盡
桑榆無位無子天乎何辜

王裕增字敦復號芝泉仁和人乾隆丁丑進士爲福建永安南平二縣令以憂歸服闋謁選注湖北之穀城縣尋改令武昌終於武昌府司馬芝泉有幹局所至皆著能聲案牘之暇惟畫梅花荔支人求之亦不

甚愛惜余昔游閩中曾一識之後辛卯遇於京師始
與訂交聚首者半載此後芝泉官楚中余亦隨牒畿
輔遂不復再見

王君嶽嶽百里臥治平生畫癖梅花離支金蘭之契實自
京師一分宦轍永無見期

郭寅字虎文號菱川仁和人乾隆己丑進士官翰林
檢討余戊子鄉貢同年友也其從子聘高卽娶余長
女菱川與人交如飲醇醪不覺自醉然於余頗多箴
規之言初非一味軟熟者曾兩爲鄉會試同考官辛
丑京察記名以御史用壬寅春得暴疾卒於京師

大梁之遊京華之聚能容吾狂能藥吾痼飛不盡翰一朝

萬古啞啞笑言庶幾夢遇

謝宗鶴字鳴臯宗彪字炳文仁和人與余爲葭莩親
交誼敦篤有古人風曩余官圻輔時頻寓書以廉吏
相期以早休相誠真可敬也惜先後殂謝老年索居
失此良友

憶昔作宰以書勗吾愛民潔已勿爲身圖曾幾何時兄弟
繼殂往復遺札今人所無

梁鍾傑字南一號柱峰山西絳州人寄居常州之江
陰縣乾隆壬午舉本省鄉試辛丑與余同揀發直隸
極相得遂以季弟之女歸余仲子穎柱峰偉體有吏
才歷肅寧河間二縣令尋知開州轉大名府同知丁

母艱服闋忽患末疾不治遺命卜葬大名遂家焉余時已歸田九年矣兒穎又夭亡南北迢遙竟不得親爲隻雞斗酒之薦於中殊歉然也

締交不足重以婚姻君飛我伏君亡我生翩翩丹旄漳河之濱素車白馬實媿古人

舒紹言字懋功號古廉仁和人亦余文社友也老於諸生妻子相繼歿從其宗人某遊燕齊間連試北闈復不售憔悴京華竟無歸志近傳聞其已懸解矣未知果否

老不得志去遊燕齊豈不懷歸子身焉棲凶問屢告將信將疑霜鴻翻鍛黃耳途迷

孤豚

孤豚咋猛虎虎乃棄之走豈不能殺之適足汗其口冥靈
笑大椿大椿默無言春秋孰長短自有旁人論士先貴器
識文藝乃其次況此一寸腸中有幾許字徒具橈然形無
復口耳鼻從來尺之鯉不生蹄涔間誰見丈之材產於培
塿山慨然賦長句哀此拳石頑

題吳江馬雲曹獨立蒼茫圖

峩冠壓頭大帶束何如越布裁衫稱身足日選於物貴不
知何如隻身小立蒼茫時笑君手中帙一生坐此百計失
請速焚灰捐太湖六尺長竿作釣徒爲君更寫鼓柁煙波
圖

再題前圖

怪君才命兩參差，獨立情懷只自知。
潦倒風塵今似昔，相看添得數莖髭。

此圖乃十餘年前作，故無髭鬚。

兩番聚首不逾旬，晝裏周旋止半身。

圖止寫半身。

絕似去年湖

上住，倚樓閒眺六橋春。

雲曹去春訪余西湖，每倚樓閒眺，宛若此圖。

偶成

河豚切齒狀堪驚，梟鳥遷巢不變聲。
狼虎野心無可化，峰

頭天鷲只哀鳴。

見物類相感志。

踏車謠

黃梅雨插秧，水黃梅過雨不止一尺秧。
鉞沈水底十里五里翻車聲，倒捲渾流入河裏。
河高田低用力倍，蓰自晨至

昏淺不逾咫白汗翻漿到踵趾雷聲忽填填海雲黑障天
傾盆雨腳直似弦三更雨止往視田田中之水滿勝前晨
明炊飯喚長年長年臥索沽酒錢酒錢不敢惜今朝須出
水三尺翻翻聯聯踏不停鞵底磨穿皮晒赤雷聲又作雨
似昔舊水去未半新水又加益呼天何辜遭此厄小暑過
大暑來禾秧爛死誰見哀雨乎雨乎再不止願抱禾秧同
爛死

小園萱花戎葵盛開各賦一絕句

朵朵黃花似鳳頭瘦莖尖葉護階稠頻年看爾開還落不
療先生半日愁

也逞繁華五月中不愁梅雨不愁風相看畢竟無情思賺

得人呼一丈紅

題族兄銀查子所臨呂學鍾葵移家圖卷子

生不捷武舉死爲魑魅雄人家門戶傍不得卜居仍上終
南峰下令召羣鬼羣鬼醜惡狀匪同兩角鬚鬚獨角隆膺
胔長短偃龍鍾厥膚青黑黃綠紅夔魑罔象莫能辨一一
哆張很視赤髮蓬部勒草草夜深出兩燈前導雙炬烈長
鳴卽今號通大角鼓嚨啾俯吹仰吹情態別鞭羊驅豕牽老牛
手抱黃雞行蹙蹙衾帷几案及屏鏡家具何曾遺一物騰
身跨上獨木輿冠袍乘笏辭故廬兩鬼強脊勝偉軀一鬼
戴尻行徐徐小妹肩輿墻騎驢嬰兒呱呱懷中居百鬼効
命忘其劬髯也顧之顏爲舒明朝大犒屠母豬最後一鬼

似獅子敦腴血拇大口哆曳以十丈鐵錙鎗伏地猙獰鞭
不起一鬼踏頭拔其角笑如大樹撼蜉蝣此鬼倔強頑而

肥何不殺之烹以錡飽供鬻冷鬻可喜往者崔青蚓名道母又

朱竹子忠見曾圖移居許眞君海山呂學襲其意窮形變相

意更新此本臨自銀查子筆端生動如有神鬼聲啾啾紙
間出鬼迹駭駭疑逐人藏之篋笥三十載愁時展看常一
嘖使人不若使鬼好渴不求飲飢不殮莫嫌面目可怖憎
人心鬼蜮尤難親

題趙千里臨張擇端清明上河圖卷子二首

圖裏淒涼認汴京上河繁麗正清明鶯聲甲第千門啟蟻
聚天街百戲呈良嶽雨餘花石潤樊樓風細管絃清王孫

著意臨張本可有漸漸麥秀情

無端六賊壞家居父子青衣執戟趨上策難迴江左駕春
風亂長殿中蕪荒陵寒食誰雞黍故國繁華此畫圖只恐
至尊含笑看汴京爭得比西湖

至武林與老姊燈下圍碁局竟權飲惜吾妹不與俱
也

燈前老眼一般花黑白縱橫整復斜五十年來無此樂

余幼

時常與姊對枰天倫韻事可容誇

勝固欣然敗亦歡暮年難得此團欒推枰莫算無情劫且
盡花瓷半尺寬

恨不茲行與妹俱兩人雪髮我霜鬚便教壞局哄然起也

勝旁觀一局輸

妹不解
弈故云

十月十八日葬兒穎夫婦於玉泉山先塋後半里許

悽然口號

青山怪問底頻來料理新營土一堆老淚灑添枯草血寒
風吹碎暮年懷徒知有婦埋雙玉可恨無兒酌半杯咫尺
祖塋曾記否重泉先我得追陪

閒步玉泉道中

瘦竹扶持似健男西風吹動髮鬢鬢隨身琴筑鳴泉水照
眼珊瑚見石楠七尺馬驕人自去三叉路僻我猶諳踟躕
怕入清漣寺古殿無椽庇佛龕

徵租練市舟中作

小艇纔堪枕臂眠融和不似臘前天雙眸力盡含山塔十
幅風來練市船歲歉糞分炊粥米囊羞難辦上倉錢時尚未輸
官祖所欣四海干戈息卽此還勝大有年

練溪孫瓚釐婦余甥女也賢而能今年六月以微疾
預知不起歿前數日夢遊一處甚樂遂視死如決疣
潰癰矣冬仲過其家題詩靈次誌痛

吾家淑女君賢婦突地花摧六月霜預尅死期緣慧業夢
遊樂境豈仙鄉能聲喜聽傳千口遺挂愁看滿一房舅氏
白頭偏送汝練溪寒水日荒荒

正月四日仍循故事招范寶樹吳語石陳蘭臯孫碩
菴集五研草堂小酌是日春雨如膏庭梅初放先賦

一律索和 甲子

近局依然冒雨來，屐痕微損乍青苔。
素心久恕繇文略，笑口頻逢此日開。
拚醉樂忘檐際潤，傳闌巧避掌中雷。
時藏春雷之巖梅梢無限春光在，都被全收入酒杯。
闕爲

前題復次吳語石韻

雲外懸知日未斜，自芻春酒不須賒。
閒身合作新年會，老樹仍開舊歲花。
世故久疎從儉僮，詩篇隨意薄雕華。
德將悟得風人旨，肯教醜醜聽曙鴉。

兀坐雨中吟誦俱，廢偶取平生所作詩閱之，覺少壯新年之樂，如今日事欣然呼酒并爲長歌。

連絲十日雨，寂寞新年人。塗泥不出戶，門巷絕來賓。昏昏

晝如夜兀兀欠且伸攤書視無睹握管重若鈞非關老眼
花豈苦凍手皴妻妾愁我瘦兒子疑我瞋勉持壺觴勸難
令形神親回思少壯日頗似太古民登臨任所適沈湎全
其神但遇文字飲不異繖屐頻今忝杖鄉叟尚爲曳磨身
發歲愁尚爾餘日歡何因偶然覽舊詠不覺搖吟唇遂使
往時樂恍若茲身臻山水起坐席朋儔集良辰更酌進清
醪小鮮烹紫鱗豁達百憂失駘蕩滿腹春明朝酒醒後杲
日照八垠

余傲居汪氏宅已六載矣近擬仍買屋武林爲終老
之計小圃綠萼梅一本頻年花時不過數十朵今歲
異常繁盛雖在風雨中彌有精神若惜余之將去此

者爲感其意賦詩一篇并以酒醉之

梅花知我將徙居繁枝照眼雪不如雖遭苦雨減香氣綽
約仍似含苞初我來寓此已六載每怪此花著朵疎除蛛
剔蠹瘁身手梅乃視我如道途一旦殷勤悵離別千花百
花次第舒吟詩酌酒蒼花意花雖不言情有餘平生愛梅
以梅號到處相逢暫亦好往年手種五六株隨屋鬻人供
燎竈眼前一樹又棄之薄倖應爲梅訕謂山之麓水之澳
重謀卜築曠而與隙地應先帶月鋤早春自索巡簷笑我
欲攜卿共一家恨卿有主空谷嗟守持高格待來者莫與
桃李相矜誇

正月二十日得高秋崖書并賀獻歲名紙賦詩作荅

迢遞猩紅一紙書白頭情誼不曾疏八孫名署人爭羨一

徑苔荒我索居喉齒病從驚悸後

十二日鄰家失火所居幾不免悸定後遂患喉

齒之病

杯觴樂憶定交初清明時節湖樓上憑語僧雛爲掃

除

次韻顧春波辱題五研齋集之作

詩來謬譽儻非倫

來詩有風流直欲追杭厲之句

笑倒龍賓墨上神剩有

千篇供覆瓿慙無一語出驚人未逢王豹難爲曲也慕西

施懶效嘔老去讀書渾室礙何年字字總精甄

六十初度自述八首

石火光中六十年宵隨流俗漫張筵鮮民誰看萊衣舞凡

骨難諧淨土綠鏡裏鬚髮都白雪眼前生活只青瓊從顛

默數平生事說與兒曹記不全

五世丁單一髮承十年紙閣對青燈嬌嬈飽啖銅槃肉塗

抹常汚柿蒂綾人羨擷芹歌泮水我難梯日繫長繩余遊庠之

年外蔭七閩浪跡真堪笑賸有新吟數首膾

也逐羣英聽鹿鳴妄思一舉上蓬瀛河魚總點龍門額萱

草先凋鵲觜莖辛卯再試春官闈中聞先此凶問籬落寄人銷壯志雨雲

隨手笑交情打包學得僧行脚來去身仍一葉輕

銅符墨綬拜

君恩劇職難勝豈事敦浪博虛聲傳道路幸無私積爲兒

孫簿書堆裏清吟發冠蓋叢中素志存五縣士民休憶我

鴻飛誰計爪畱痕

得去官時便去官戀槽駑馬笑旁觀睽違親故風塵老依
舊書生氣味酸破屋十間容我臥新詩一束任人看本無
食肉封侯相靜聽諸公振羽翰

垂老經旬喪兩兒吞聲何用咎庸醫鼠肝蟲臂從渠化婆
藪闍王不我慈抔土早埋償夙負束書猶在觸餘悲蘖芽
畱得雙枝茁培養成陰到幾時

纔了綢繆又失巢六年風雨歎飄搖也知是處堪容膝無
奈平生最惡湖白首計疎渾落拓青山緣薄枉招邀商量
一畝栽花地自築茅菴傍小橋

從此餘年好樂天不尋芝朮不參禪三杯有味遠巡酒八
口無憂苟簡田到處看花如訪友隨緣賣字肯論錢便過

七十尋常事更著詩文五百篇

附和作

吳鉛孫 語石

甲子重周甲子年杜門偏不喜開筵題詩自壽真仙境
招友聯吟異俗緣解組僅囊新購研歸田仍擁舊存氈
清風千載追陶令文福如公也算全

比年清誨幸親承晷室常邀照智燈侍話春風傾越酒
分題秋雨寫吳綾敗皮敢冒雷門鼓散木還從匠氏繩
旅館隔溪衡宇望朝朝新詠快先膾

堂上橫琴盡日鳴鴻儒何必盡登瀛八年鳧跡棠千樹
五縣驂迎竹萬莖疆項上游驚側目婆心流瘠感深情
爲霖多少蒼生望莫道賢侯出處輕

至性纏綿骨肉恩聞風足令薄夫敦半生祿養傷裊鼎
一脈書香誠子孫神黯初松新壟植心懷老桂故園存
臯魚哀感歸吟筆紙上猶餘涕淚痕

微疾居然竟去官一帆高挂恣遊觀得離塵界身方泰

想踏懸崖足便酸

楞嚴經思路懸崖足心酸
澀先生以足疾去官故云

野鶴可招

閒作伴沙鷗因狎靜相看澹懷卽是長生訣焉用沖霄
刷羽翰

點筆研朱自課兒個中功似折肱醫蘇洵共子成三傑
許劭稱龍儷八慈玉樹漸欣今日茂曇花可慰昔年悲
白頭梁孟俱強健雛鳳雙看一舉時

身類良禽屢擇巢倦飛真不羨扶搖買山好遂西溪約

卜宅休隣後市踞白也詩成誰與敵羲之腕底可相邀
名山暢著千秋業除卻看花懶過橋
安得悠然小洞天塵氛不擾卽安禪一泓新綠當門水
十里初青負郭田客至便燒籬下笋遊山自拄杖頭錢
逍遙直至期頤日勝讀南華第一篇

沈 鏤雪樵

只去期頤四十年誕辰何事禁張筵從來不信彭聃祝
此後重盟鶴鹿緣住世肯教辜白日傳家最好是青氈
與君歷數名高輩富壽康寧幾個全

弱齡庭訓克趨承五夜常燃課讀燈未到壯年拋綵服
竟無俗福宴紅綾才高那許書生老德厚偏能祖武繩

卅歲賦詩今又再都憑健筆爲重膽

匣劍囊琴不妄鳴曠懷早已小蓬瀛
官將名紙通三事只許吟髭斷數莖
槐市春風名士樂梅花香夢美人情
手持一盞新菖酒笑與公侯比重輕

偶然綰綬出殊恩不改詩書夙好敦
吏治寬平稱衆母判詞藻麗織天孫
欣看召伯棠陰滿豈慕陶公菊徑存
只有北山風木恨年年淚漬枕邊痕

誓墓文成揖上官乞身田塾任游觀
正思宅柳垂條嫩不信江梅結子酸
玉樹已悲黃土掩蕉芽應作瑞芝看
倦飛寄語投林鳥好爲雙雛刷羽翰

三度偷桃一小兒還童有藥不傳醫
仙家妙訣終遊戲

吾輩長生只孝慈樂及太平纔是福心無內疚更何悲
莫教誤認桑榆景此正花明柳媚時

閒雲久與鶴分巢畫舫何緣得並搖春到清明晴更好

友能詩酒話忘踞謂潘亞江同庚佳會看君獨勝地涼秋幸

我邀

壬子秋梅村兄招余同遊湖上浹旬

皓月許扶雙醉影湖隄認取第

三橋

多情最是故鄉天到處尋歡卽悟禪好構茆廬銘陋室
仍畱石研作良田著書從此期千卷挂杖何須定百錢
遲我十年詩律細再擎卮酒和新篇

余與潘亞江締交垂四十年今皆六十矣清明前五
日同寓湖樓遊飲旬日爲壽并誌以詩

相看甲子竟同周似水韶華六十秋一樣未完婚嫁累此
來須縱杖瓢遊醉聯短榻賡長句健任青山笑白頭妄語
不妨姑自壽蟠桃從此各三偷

忘形舊雨生同歲傲寓稱觴事初聞合算已過椿一日添
籌須遣鶴平分兩隄桃李陪衰鬢滿眼雲山卽壽文屈指
七旬真轉瞬安排遊屐再邀君

過張卿子巷有感

四十年重過此居暗彈清淚溼衣裾淒涼往事雲煙散只
有高樓月似初

寂寂雙扉姓幾更巷中誰識小書生
余弱齡讀書此宅巷中人戲呼爲小書生

主人若許推門入壁上能尋舊署名

湖樓坐雨

東風緊處雨絲飛，吹入簾櫳潤逼衣。
燕子啣魚垂翅過，漁翁支繖踏船歸。
雲深山色看全失，天闊雷聲聽漸微。
知我欲遊無足力，年年到此霽時稀。

湖樓睡起卽景

晝眠初起一衰翁，高下亭臺盡望中。
泊岸遊船偏戰酒，隔堤歸馬正嘶風。
山根靄接全湖白，塔影波搖落日紅。
忽地鳴笳動城堞，一聲聲在小樓東。

雨中與吳語石放舟至南屏觀摩崖復登絕頂眺望
還舟對酌晚歸玉蓮堂小樓聯句

迂回石磴上平岡

鉛孫

樹抄湖光望淼茫，雲氣四圍都作

雨

赤然

菜花一色欲浮香
崖細辨前賢迹

鉅孫

放櫂頻

斟屬客觴還上小樓憑檻坐

赤然

晚鐘聲外暮煙蒼

鉅孫

二月晦日湖樓晚酌與潘亞江聯句

湖水當樓黑

世鼎

漁燈隔樹紅
櫓聲遙軋軋

赤然

街鼓近

瑟瑟翦燭交斟酒

世鼎

搔頭各倚風顛毛都換綠

赤然

豪

氣尚如虹
棖觸思前事

世鼎

交遊感鄙衷
墓門多宿草

赤然

然

浪迹半飛蓬
畫壁痕猶在

世鼎

論文社已空
唯餘君與

我

赤然

無間始還終
依倚原蛩駟

世鼎

春秋似燕鴻
年華

同甲子

赤然

宅里異西東
喜訂重湖畔

世鼎

招邀一室中

炤杯花爛熳

赤然

鬪句韻玲瓏
杖履隨春色

世鼎

雲山繪

化工訪從諸舊雨

赤然

伴只兩衰翁
欸欸方聯榻

世鼎

匆

匆又挂篷黃花好時節

赤然

遲爾一尊同

世鼎

三題滌研圖仍疊前韻

圖中人六十矣百事都無一可喜屈指韶華赴壑蛇大半
銷磨研池水卽今手顫兩眼花日尚搖毫與伸紙豈盡自
怡悅徒爲人役耳役休何時誰哀其疲非人磨墨磨人
坡公豈是荒唐詞不見臨川會稽二墨池池上誰見王羲
之嗟我命分惡有兒如苗耨不穫謂大兒穎也當年捧研膝前
人今日空看圖上樂兒死不復生研在無人攬馬肝龍尾
徒紛紛衣鉢平生更誰託不若與研同死生千秋之業爲
我營朝提夕挈滌河水河水偏照衰顏清拭以淨布乾前
楹一一叩之堅有聲我眼不如爾眼明眼中人物誰重輕

指仲子頌也

老妻怪我癡似昔我謂爾食豈由耕爾衣豈由

織研乎與有錙銖力隨身送老兒子不如石

壽潘亞江六十卽疊湖樓同賦原韻時秋榜放後四

十日也

彩翮空思極八周翹垂誰信鳳秋秋堂中笙瑟從渠聽海
上神仙遲爾遊快飲且看春滿面後凋何礙雪盈頭霓裳
譜豈塵間有莫倚人牆擲笛偷

一房山

亞江齋名

外綺筵紛幾樹黃香滿座聞晉爵思隨諸客

後聯吟可憶一燈分但教老境聊如蔗便學長生莫論文
記得昨宵曾有夢黑金社裏我陪君

杭華圃先生嘗作松吹讀書堂圖歿後散失久矣從

孫械後見之一友人家圖遂復歸杭氏因企前徽另
作一小松吹讀書堂冊子徵題賦而歸之

君家老侍御松吹堂前讀書處人間之書讀不足跨鶴鄉
嬾洞天去松作龍鱗鶴未還此圖流落在人寰因緣復入
後嗣手再拜重仰當時顏松聲書聲疑自紙間出朱圍墨
圍想見筆底刪慨然勵志踵前武也作新圖松映戶松香
時和辟蝨芸松音不是攻心鼓憑誰說與侍御知公家有
孫能似祖

練溪徵租還舟中口占

龍鍾又作練溪行信宿言還數問程遠水浮煙舍日氣敗
蘆搖岸弄風聲倚篷人倦如朝醉無米船歸似去輕卻羨

老農遭歉歲家家依舊飽香杭

夏間田禾雖遭水潦而秋收尚豐佃戶之桀黠者多

以之籍口田主于是大困矣